

Die planeten stund bey nachts zu vündenn.

Das vierzehend Capitel.

Sich durch ein stern den du im rethe hast/dygleich stund/wie im achten capitel gelernet ist/vnnd lege die regel heraus im limbo auf dieselben stund/dar nach ruck das rethe vmb/solang bisz der Sonnē grad vnder die regel valle/alsdann zeygt dir der Sonnen grad vnder den arcubus horarū inequalium/das ist/vnder den creysen der planeten stund die vngleichen/oder die planeten stund zc.

Was die vngleichen/oder die Planeten stund seyen.

Das fünffzehend Capitel.

Es ist zu mercken/dz die alten Astronomy ein yeglichen tag haben/in 12. gleiche teil geteilet/der gleichen auch ein yegliche nacht in 12. andere gleiche teil/welche teil sy die vngleichen oder die planetē stund genent haben/vnd habens daruñ die vngleichen stund genent/dz sy nit gleich sind/sondern sich schyr alle tag verkeren/dieweyl doch schyr kein tag in der leng dem andern gleich ist/Also müssen von notwegen diese stund auch vngleich werden/so sy sich doch/ als du gehört/des tags leng noch verwandlen/defhalb ein planeten stund/ so die son im Krebs ist/vil lenger sein muß/dañ wañ die Sonn im steinbock ist zc.

Hie ist aber not zu wissen/dz die Babilonischen Astrologi am höchsten planeten/das ist am Saturno angefangen/vñ